

# IMIPANGILE YA MUFUNDO UWITWA BOKASHI

## Ichilangililo ku balaimi

## Ubutantiko ubwa kukonka lintu mulepanga umufundo wa bokashi



**Itantiko 1.**  
Saleni incende icingililwe ku mfula, umwela (ifyapala nga kankungwe) na akasuba..



**Itantiko 2.**  
Ambilenipo ukubika umwina wa fintu-fyauma pa nchende musalile. Elyo pankoke umwina wa manyuwa, elyo umwina wa iloba. Pamulu wa iloba, bikenipo umwina wa bayoca na ifikapa fya mataba yaku cigayo.



**Itantiko 3.**  
Sankanyeni molasses na iisti mu menshi ya cipimo ca 5 litazi. Ngamwacite ifi, ambeni ukusansa ifyo mwansakanya pamulu wa mina iintu mwambile ukupanga.



**Itantiko 4.**  
Bwekeshenipo ukucita ubutantiko bwa 2 na 3 (step 2 na step 3) mpanka fyonse fintu mukwete pakupanga bokashi fyapwa. Icikomo: umwina wa bokashi taufwile wakula ukucila icipimo ca 1.5m mubutali.



**Itantiko 5.**  
Icakonkapo, ku pilibwila umwina wa bokashi pakutifa fintu fyonse fya sankanishiwa bwino.



**Itantiko 6.**  
Moneni ukutila mulesansapo na amenshi pamwina elyo mulepilbwila, lelo, mumone ukuti tamufushishe amenshi iyo. Mufwile mwa pilibwila umwina wa bokashi imiku itatu nangula ine pakutifa ifintu fyonse fya-sankanishiwa bwino.



**Itantiko 7.**  
Tapuleni ulupi lumo pa mwina uwa bokashi elyo mufine fintu mutapwile. Nga amenshi yafuma lintu mulefina, ninshi amenshi nayafulisha mumwina. Nga lilya mulefina tafileikatana nga ibumba, ninshi amenshi mumwina nayacepa. Ngacakutifa amenshi nayafulisha, kupilibwila umwina elyo na ukulundapo iloba lintu mulepilbwila. Ngacakutifa amenshi nayacepa, ku sansansapo amenshi pamwina lintu mulepilbwila. Icikomo: panuma ya bushiku bwapakubala lintu mwapanga umwina wa bokashi, takuli ukubikapo amenshi nakabili.



**Itantiko 8.**  
**Ukusunga bwino umwina wa bokashi** – ngacakutifa ilyo mwaingisha iminwe yenu mumwina wa bokashi pakashita akanono tamupile, ninshi icikabilila mumwina wenu cili icyana. Panuma ya nshiku shine ishapakubala, kulapilibwila umwina wabokashi imiku ibili cilabushiku, ulucelo na icungulo. Ngacakutifa lintu mwaingisha iminwe mu mwina mwapya, ninshi namukabisha mumwina wa bokashi. ngacaba ifi, mufwile mwabweshako ubutali bwa mwina ukupitila mukupasa panono.



**Itantiko 9.**  
Pabushiku bwa lenga cisano na inshiku shakonkapo, kulapilibwila umwina wa bokashi umuku umu cilabushiku mpanka icikabililwa mumwina caleka ukumfwika. Icikabililwa cipwa panshiku ikumi limo na ibili ukufika fye na panshinku ukumi limo na isano ukufuma pabushiku umwina wapangilwe. Ngacaba ifi, ninshi bokashi yaba iyayana kuku bomfya nga umufundo. Mufwile mwabomfya bokashi bwangu lintu icili namaka (bokashi ilakonkanyapo ukubola nelyo lintu naipangiwa kale). Tacayana ukusunga bokashi ukucila pa mweshi umu lintu naipangiwa.

### Bokashi mufundo nshi?

Bokashi mufundo uupangwa ukupitila mukubosha kwakulinga ukwa ifintu ifyapusana-pusana munshila iisuma ukwabula ubonaushi. Mukubosha kwakulinga emukutifa, ifintu mwabomfya, tafibolele mukupitilila iyo lintu mulepanga bokashi.

### Finshi fifwaikwa pa kupanga Bokashi?

Ilyo mulefwaya ukupanga bokashi, mufwile mwakata:

- Amasaaka yalembwa 50Kg ayali mutanda (7) aya manyuwa (amafi yafitekwa): kuti mwabomfya amafi yafitekwa ayalijonse nangula ukuya sankanya capamo, kabili, yafwile yaba ayauma.
- Amasaaka yalembwa 50Kg ayali mutanda (7) aya fintu fyauma: fipaka fya filimwa, amabula na icani icauma. Kutu cawamishapo ngacakutifa ifi fyaba ifya sankanishiwa bwino. Nakucila, mufwile mwaputula ifi fintu mutu-mputwa tunono pakutifa kwaba ukusankanya bwino lintu mulepanga umwina wa bokashi.
- Amasaaka yalembwa 50Kg yasano aya iloba lilya likabantana. Iloba lisuma pantu emusangwa utushishi twamumushili, nakucila, ifi fila-fwaikwa kukupanga bokashi.
- Isaaka lyalembwa 50Kg limo ilya bayoca (amalasha ya-ocewa saana-saana ayashingafumya icushi lintu mwa-yoca nakabili). Bayoca ilapela icikalilo cisuma kutushishi tusangwa mwiloba.
- Isaaka lyalembwa 50Kg limo ilya fipaka fyaku cigayo ifya mupunga nangula amataba.
- Icikunkubiti calembwa 5 litazi cimo ica molasses. Molasses ilapela ifyakulya kutushishi utulefuma kwiloba. Nga tamukwete molasses, kuti mwabula shuga yacipimo ca 2Kg mwasankanya na amenshi ayalingana mwapanga solushoni. Nakucila, cawanishapofye ukubomfya molasses pantu yacipapo ukucila shuga.
- Icipimo ca 500g ya iisti pakutifa kwaba ukubisha, ici, cilafwilishako kukufusha kwa tushishi muli bokashi ukupitila mukufyalana bwangu kwa tushishi.
- Ubunga bwa mabwe nangula ubwa mafupa ya fitekwa. Nga tapali ifi fintu, kuti kwaba ukubomfya fye imito.
- Amenshi.  
**Icikomo cakukonka:** ifipimo fipelwe pamulu, cilangililo fye, kuti kwaba uku fipusanya ukulinga na ubwingi bwa bokashi mulefwaya.